

溫國文正司馬公文集

五



溫國文正公文集卷第十三

律詩八

奉同運使陳殿丞

公知縣字

惜洛陽牡丹爲霜

風所損

又和惜春謠

還陳殿丞原人

論宗密所撰破自然破
元氣破天命明佛性

和王秀才

龔鼎字以光始自陝右遊山歸復

登少室爲詩見寄

西湖泛舟輒用前韻寄呈君實

鎮

奉和
新買疊石溪莊再用前韻招景仁

和鎮

戲書宋子才止足堂

寄題宇文中允之邵所居

貽夸者

春遊

和路公遊天章楚謙議園宅

還張景昱景昌秀才兄弟詩卷

寄題張著作中理善頌堂驪州公父裕

和宇文公南塗中見寄

酬張二十五秀才南園遣意
曠叔是字

酬張三十秀才見贈
景昌字京

八月十五夜陪留守宣徽登西樓值雨待月

久不見

秋雨新霽遊水北馬上偶成

運使虞部按行洛西諸縣因遊所過名山有
詩百餘首合爲一編蒙賜寵示俾之繼作
一首

呂宣微挽歌二首

和君貺暮秋四日登石家寺閣晚泛洛舟

又和六日四老會

耕宋子耕大監

和王少卿

尚恭字

十日與留臺國子監崇福

宮諸官赴王尹賞菊之會

和白都官序見贈

和白都官歸長安

送雷章秘丞知芮城

酬邵堯夫見示安樂窩中打乖吟

和邠守宋度支迪來卜居與南園爲鄰

和張文裕初寒十首

寄題刁景純藏春塢

景純致政歸京塢前有

命曰萬松嶺

和君貺少林寺

又和嶽祠謝雪題嶽寺平法華庵

望日示康廣宏

和君貺題潞公東莊

和君貺任少師園賞梅

別韻一首

又和開叔

和公廩喜雪

用莊字韻

和史誠之謝送張明叔梅臺三種梅花

早春寄景仁

和君貺宴張氏梅臺

看花四絕句

和君貺清明與上巳同日泛舟洛川十韻

和君貺寄河陽侍中牡丹

又和安國寺及諸園賞牡丹

送酒與邵堯夫因戲之

前送牡丹藥苗
堯夫皆有詩

酬仲通初提舉崇福宮見寄

魏忠獻公挽歌辭三首

酬君貺和景仁對酒見寄三首

野軒以下四首

行亭

藥軒

晚暉亭

奉同運使陳殿丞公餞字
惜洛陽牡丹爲
霜風所損

名花多種欲紛敷
一夕霜風非所虞
節物偶然何足道
人情遺恨不能無
飄飄健筆詩千首
惆悵東風酒百壺
縱使前春滿朱檻
使車那復滯西都

又和惜春謠

朝來風雨歇
春意漠然收
去我不辭訣
憑誰能借留
杓星漸西轉
洛水自東流
曲渚撒華幄
芳園罷彩毬

雉鳴丘麥秀蠶起野桑柔亂絮天涯滿晴陽草際浮
已嗟心緒減況復鬢絲稠賴聽新翻曲非爲負勝游

劉伯壽

命曰皆春謠

還陳殿丞原人論

宗密所撰破自然破元氣破天命明佛性

品物芸芸遊太虛不知誰氏宰洪爐一株花落分榮
辱萬竅風號見有無覺後共占猶是夢衣中所得亦
非珠何如鼓瑟浴沂水春服成時詠舞雩

和王秀才

蘧仲字

以光始自陝右遊山歸

復登少室爲詩見寄

瘦馬飄飄屢往還疲勞專爲訪名山須知筋力行將
老漸恐峯巒不可攀蠟屐早能尋勝槩彈冠悔更落
塵寰幸依賢者爲東道大得逍遙水石間

蘧清居

西湖泛舟輒用前韻寄呈君實 鎮

畫舫容與到橋還，
袂依然。洛酒斑湖上，
曉光涵。水坐中晴色見，
嵩山心緣念。別如多事，
身為移居，似不閑。疊石石淙，
雖兩處，福昌陽翟正中間。

奉和

滿船歌吹拂春灣，
天外晴霞水底斑。誰信飛觴臨綺席，
獨能回首望青山。東門車馬忽忽別，
西洛風煙寂寂閑。疊石溪頭應更好，
却輸野叟坐林間。

新買疊石溪莊再用前韻招景仁

一谿清水珮聲寒，
兩岸莓苔錦繡斑。三徑誰來卜鄰舍，
千峯我已作家山。鹿裘藜杖偏宜老，
紫陌紅塵不稱閑。早挈琴書遠相就，
放歌爛醉白雲間。

和鎮

畫處始知地足剩管中那識豹文斑從來有道須康
世未省外平却住山學富名高難自晦眼昏心悵始
能開此調鎮計君疊石溪邊景不得從容歲月間

戲書宋子才止足堂

舉世應榮祿夜行無乃勞獨君年未至止足一何高
矮製烏紗帽寬裁白氎袍華穰坐終日閑按紫檀槽
寄題宇文中允之邵所居

貽夸者

孤官行直道栖栖良可悲誰能拂衣去不待挂冠期
經史乃吾友雲山爲己知世間青紫貴盡付兩佳兒
我樂非君樂君憂非我憂蓬蒿與溟渤終老不同遊

春遊

人物競紛華，驪駒逐鈿車。此時松與柏，不及道旁花。

和潞公遊天章楚諫議園宅

名卿新治第，上宰舊連牆。槐蔭青青葉，星鄰兩兩光。
林花裂錦狹，門路築沙長。共引庭間水，交生壁外篁。
魚窺薦琴石，螢散讀書牀。玉帳方懷遠，松齋欲就荒。
旌幢今少憩，蘭蕙不徒芳。早晚平狼望，同來舉壽觴。

還張景昱景昌秀才兄弟詩卷

韓韓新詩卷，青春映棣華。機雲今繼美，載協舊承家。
幸託仁人里，時回長者車。白虹光亂眼，何敢議瑜瑕。

寄題張著作

中理善頌堂嘉州公裕

玉壘老先生，逍遙樂太平。門闌百客盛，冠蓋一鄉榮。

國族招邀近堂皇指顧成江山對平遠圖史散縱橫
止水中心適秋毫外物輕鯉庭新露冕閭巷不須驚
和宇文公南塗中見寄

驄馬烏紗遊洛塵未能全得自由身深慙白首戀微
祿不向青山爲散人斤鷄卑飛聊取適冥鴻高舉益
難親蜀都迢遞千餘里徒誦新詩妙入神

酬張二十五秀才南園遣意

景昌字叔

花卉日相續朝昏興寄新露荷香入座風竹淨無塵
嘯詠皆群從喧囂遠四鄰須知軒冕客富貴不開身
酬張三十秀才見贈

景昌字叔

樸學居人後清塗忝衆先瓠因無用棄木爲不才全
比得林泉趣仍依邑里賢自慙頭半白方解賦歸田

八月十五夜陪留守宣徽登西樓值雨待
月久不見

經歲待佳節無如陰靄何果然時雨足安用月華多
未免銀缸進空聞玉漏過庾公興不淺久爲駐鳴珂
秋雨新霽遊水北馬上偶成

秋色與秋聲蕭然滿洛城未霜林葉赤新雨野風清
水氣侵肌冷嵐光刮眼明誰云景如畫但恐畫難成
運使虞部按行洛西諸縣因遊所過名山
有詩百餘首合爲一編蒙賜寵示俾之繼

作一首

屬城窮僻地攬轡徧周流弊政已更化名山不廢遊
鳴騶留谷口輕屐歷巖幽聚看官儀者相扶半白頭

呂宜微挽歌二首

弈世台衡貴盈門綏冕榮遐方流惠化殊俗龍臺聲
宥密資忠力安平寄老成遽騎箕尾去何以慰蒼生
維嶽人皆仰長城衆所依遠猶方克壯昭世忽長違
象設儼如在英靈宵不歸唯應令名久竹素藹餘輝
和君貶暮秋四日登石家寺閣晚泛洛舟
嬉遊乘晚霽登覽犯秋寒不出埃塵外安知天壤寬
宮前斷山碧林表落霞丹欲下惜佳趣相留更倚欄

右登閣

葉下宮槐老雲飛洛浦秋復陪元禮掉却望仲宣樓
曲岸迷頻轉遙山碎不流夷猶聊寓賞浩蕩得亡憂
晨出露漸征昏歸月滿舟星河散寥廓珠貝映汀洲

林館回車入壺觴秉燭游山公興未盡徒御且番休

右泛舟

又和六日四老會

并宋子才大監
李幾先將軍

萸房迎令節菊蕊入芳筵華燭初長夜清霜未冷天
悲風咽橫吹驟雨送繁絃聊附鄒枚客敢希園綺賢

和王少卿

端之恭字

十日與留臺國子監崇

福宮諸官赴王尹賞菊之會

儒衣武弁聚華軒盡是西都冷落官莫歎黃花過嘉
節且將素髮共清歡紅牙板急絃聲咽白玉舟橫酒
量寬青眼主公情不薄一如省闥要人看

和白都官序見贈

齒疎鬢白兩眸昏萬事無堪老病身脫粟猶霑太倉

祿法冠仍忝外臺臣直緣迂僻求閑地豈是孤高慕
古人英俊滿朝皆稷契太山何少一飛塵

送白都官歸長安

丈夫那肯浪低眉薄宦空添鬢裏絲瀘水歸來山浩
蕩都門辭去菊離披黃雞白酒五陵樂杜曲樊川九
穀宜復見夫君行直道空峒氣俗未應衰

送雷章秘丞知芮城

西伯昔斷訟令名存迄今南臨大河曲北倚首陽岑
俗被聖賢化人多禮讓心夫君老經術終日想鳴琴
酬邵堯夫見示安樂窩中打乖吟

安樂窩中自在身猶嫌名字落紅塵醉吟終日不知
老經史滿堂誰道貧長掩柴荆避寒暑只將花卉記

冬春料非閑處打垂客乃是清朝避世人

和邵守宋度支迪來卜居烏南園爲鄰

弱冠交遊鬢髮蒼飽諳官況好深藏閑居共買一壥
地盡老常依數仞牆雖喜卜鄰同晏子尚慙推宅異
周郎何時稅此憑熊駕倚杖相迎立路傍

和張文裕初寒十首

何處初寒好初寒郊廓城垂紳多俊彥列第盡公卿
裘馬過從盛門闌灑掃清誰家擁獸炭盡日管絃聲
何處初寒好初寒洛汭宮翠華雖脉脉佳氣自葱葱
闕角日華白苑牆霜葉紅都人心望幸注目不離東
何處初寒好初寒洛水橋沙痕水清淺風葉柳蕭條
闕塞長塗直蒿丘倒影遙鳳樓雖在北車馬不塵囂